

**Aalisarneq pillugu Inatsisartut inatsisissaattut siunnersuummut
allannguutissatut siunnersuut nr. ##, ##, ## 1998-imeersoq.**

Oqaaseqaatit nalignnaasut

Inatsimmi pineqarput Kalaallit Nunaata nunani tamalaani pisussaaffiisa kingunerisaannik inatsimmi malittarisassaqaqtitsiviusut annertusisineqarnerat.

Inatsimmi malittarisassaqaqtitsiviit annertusineqarnerat FN-ip imaani piginnaatitaaffiit pillugit isumaqatigiissutaani, aalisakkat angalaartut annertuumillu nuuttartut pillugit FN-imi isumaqatigiissuumut kiisalu FAO-p akisussaassusilimmik aalisarnermut pissusilersornissamut malitassiaani aalajangersakkanut naapertuuppoq.

Inatsimmi pineqarportaaq Kalaallit Nunaamiut angallataasa Kalaallit Nunaata aalisarnermut oqartussaaffigisaata avataani aalisarneranni akuersissuteqarfigineqarsimanissaq.

Inatsimmi pineqarportaaq Kalaallit Nunaamiut aalisariutaasa inuttalersorneqartarnerannut atatillugu sumut atanermik inatsisip oqaasertaanik erseqqissaaneq.

Inatsimmik allanngortitsinerit pillugit aalajangersakkat erseqqinnerusut inatsimmut atasumik aalisarneq pillugu nalunaarutitigut piviusunngortinneqassapput.

**Siunnersuutip aningaasaqarnermut allaffissornikkullu aqutsinermut
sunniutissai**

Siunnersuut nunap karsianut aningaasartuuteqarnerulernermik kinguneqartussatut naatsorsuutigineqanngilaq.

Siunnersuummi aalajangersakkanut ataasiakkaanut oqaaseqaatit

§ 1

Inatsimmut aallaqqaasiussami aalajangersakkami maannakkut atuuttumi inatsit killilerneqarpoq Kalaallit Nunaanni inuussutissarsiutigalugu

inuussutissarsiutigiginagulu aalisarneq aamma Kalaallit Nunaata aalisarnikkut oqartussaaffigisaa kiisalu Kalaallit Nunaamiut oqartussaaffeqarfiup taassuma avataani inuussutissarsiutigalugu aalisarneq pineqarlutik. Inatsimmut aallaqqaasiussami allannortitsinerup kingunerissavaa inatsisip annertusineqarnera nunani allamiut angallataasa Kalaallit Nunaanni tulaassisarnerat allanullu usingiartarnerat ilanngullugittaaq.

Annertusisitsinerup kinguneranik toqqarlugu aalajangersakkat § 12, imm. 3-mi nutaami allassimapput aamma § 26, imm. 1-imi 2-milu allannortitsinerniillutik.

§ 6 imm. 5

Aalajangersagaq allannortinniarnearpoq immikkut akuersissuteqartarnermi periarfissaasut annertusiniarlugit. Inuup kialuunniit aalisarsinnaanermut akuersissummik pissarsiniartup, soorlu qaleralinniarsinnaanermut akuersissummik, piunasaqaatit uku naammassisariaqarpai:

- 1) Inuk pineqartoq inuiaqatigiinnut kalaallinut aalajangersimasumik attuumassuteqassaaq.
- 2) Inuk pineqartoq Kalaallit Nunaanni najugaqartutut inuit nalunaarsorsimaffianni nalunaarsorsimassaaq, Kalaallit Nunaannilu inuit aqvisa nalunaarsorsimaffianni ukiuni kingullerni marlunni nalunaarsorsimasimassalluni.
- 3) Inuk pineqartoq Kalaallit Nunannut tamakkiisumik akileraartartussaataaassaaq, qaammatsiutillu ukiuni kingullerni marlunni Kalaallit Nunaanni tamkkiisumik akileraartartussaataasimassalluni.
- 4) Inuk pineqartoq qaammasiutit ukiuni kingullerni marlunni inuussutissarsiutigalugu aalisartuusimassaaq, namminerlu sulinikkut ukiuni kingullerni marlunni isertitaasa mamarmiusut 2/3-ii inuussutissarsiutigalugu aalisarnermit isertinneqarsimassapput. inuussutissarsiutigalugu aalisartuunermut nallersuunneqarput piniartutut, tuttuutilittut assigisaannillu inuussutissarsiuteqarnerit.

Piunasaqaatit taakkua kingunerisaannik inuusuttut allallu inuussutissarsiutigalugu aalisartunngorniartut aalisarsinnaanermut akuersissummik tunineqarsinnaanngillat, minnerpaamik ukiuni marlunni aalisariummi imaluunniit kilisaammi inuttaasimanngippata. Immikkut akuersissuteqarsinnaanermut periarfissaq ukununnga pingarnerusumik atorniarneqarpoq:

- 1) Qinnuteqartoq maannakkumut inuussutissarsiutigivisaminik aallutaqarsimanngippat maannalu aalisartutut inuussutissarsiuteqarniarpat.
- 2) Siusinnerusukkut aalisartuusimasut, arlaannillu suugaluartumik peqquteqarlutik aalisartuujunnaarallarsimasut, maannakkullu aalisartutut inuussutissarsiuteqaleqqinniartut.

Aalajangersarneqarpoq Kalaallit Nunaata aalisarnikkut oqartussaaffeqarfiata avataani Kalaallit Nunaamiut inuussutissarsiutigalugu aalisarnerat taamaallaat angallatinik pisineqarnerminni pissutsit pissutigalugit Kalaallit Nunaanni angerlarsimaffeqartunit ingerlanneqarsinnaasoq aallartinneqassananilu taamaaliornissamut Naalakkersuisuniit akuersissummik pissarseqqaartinnani.

Aalajangersagaq Kalaallit Nunaata nunanut allanut tamalaanut pisussaaffiisa sunniutigissavaat tassa angallatit Kalaallit Nunaanni nalunaarsorneqarsimasut akuersissuteqarfigisarnissaannut, taakku NAFO-p aamma NEAFC-ip malittarisassaqartitsinikkut oqartussaaffigisaanni aalisarneranni aamma nunat tamalaat imartaanni aalisarneranni.

Kalaallit Nunaat ukiuni qaangiuttuni nunat tamalaat imartaanni aamma imartani nunat allat aalisarnermi inatsisitigut oqartussaaffigisaanni aalisarsinnaatitaaffimminik tamakkiisumik atuisarsimangilaq. Aalisarsinnaatitaaffiit tamakku iluaqutigineqangitsut umiarsuaatilinnit Kalaallit Nunaanni nalunaarsorsimangitsunit soqutigineqarnerulersimapput.

Taamatut akuersissuteqarfigineqarsimasussaatitaaneq inatsimmi § 6-imi Kalaallit nunaanneersut angallammik piginnittuunissaannik piunasaqaatit naammassineqarsimanissaannut pisussaaffimmik ilallugu nunani allamiut Kalaallit Nunaata avataani Kalaallit Nunaanneersut aalisarsinnaatitaanerarat atorlugu aalisarnissaq siunertaralugu Kalaallit Nunaata erfalasuanik iluaquteqarniarnissaannik pisinnaajunnaarsitsissaaq.

Nutaaq § 12, imm. 3

Aalajangersarneqarpoq "Naalakekrsuisut nunani allamiut angallataasa Kalaallit Nunaannut tulaassisarnerannut imaluunniit Kalaallit Nunaata aalisarnermut oqartussaaffigisaanni pisanut Kalaallit Nunaata aalisarnikkut oqartussaaffigisaata avataani pisarineqarsimasunut angallatinut allanut usingiarnerannut maleruagassat aalajangersarsinnaavaat."

Aalajangersagaq nutaaq inatsisip oqaasertaani inatsimmut aallaqqaasiutaasumi annertusitsinermut aamma § 26, imm. 1-imi 2-milu allanngortitsinermut atassuteqarpoq.

Aalajangersagaq NAFO-mi aamma NEAFC-imi nunat tamalaat isumaqatigiissutaasa kingunerisaannik Kalaallit Nunaata pisussaaffiisa sunniutigaa.

Kalaallit Nunaat sineriaqarluni naalagaaffiuvoq aamma naalagaaffiit akornanni aalisarnermik soqutigisaqatigiiffinnut NAFO-mut (North Atlantic Fisheries Organization) aamma NEAFC-imut (North Atlantic Fisheries Commission) ilaasortaavoq. Soqutigisaqatigiiffiit imaannarmi aalisarneq malittarisassaqartitaraat, tassa naalagaaffiit imaanut sineriallit 200 sumiliniq aalisarnermik inatsisitigut oqartussaaffiisa avataanni.

Piffissami 1997 tikillugu NAFO-p aamma NEAFC-ip malittarisassaqtitsiviinut aalisarsinnaatitaanermik malittarisassaqtitsinikkut aqutsineq pillugu aamma taakkunani aalisarnermik nakkutilliineq pillugu arlalinnik isumaqatigiissuteqartoqarsimavoq. Tamatumunnga atatillugu Kalaallit Nunaat pisussaavoq naalagaaffiit ilaasortaangitsut malittarisassaqtitsivinni aalisarnerannik nakkutilliinermut peqataassalluni. Taamaalilluni ilaatigut nunani allamiut angallataasa Kalaallit Nunaanni umiarsualivinnut tulaassisarnerat imaluunniit Kalaallit Nunaata inatsisitigut oqartussaaffeqarfiani malittarisassaqtitsiviusuni pisinineqarsimasunik allanut usingiarnerat nakkutilliisoqartinneqassapput.

Paragrafimi tassani aalajangersakkat nutaat aamma § 26, imm. 1-imi 2-milu allangortitsinerit tunngavigalugit Naalakkersuisut nalunaarutinik atuutilersitsissapput NAFO-mit NEAFC-imillu nakkutilliinissamik aalajangersakkanik piviusunnigortitsillutik.

§ 15 imm. 4

Inatsisartut 1996-imi ukiakkut ataatsimiinnerannut atatillugu aalisarnek pillugu Inatsisartut inatsisaat nutarterneqarmat aalajangersagaq ilanngunneqarsimavoq. Aalajangersagaq malillugu ingerlatseqatigiiffiit imaluunniit inuit ataasiakkaat pisassiissutinit pigisanik aalisariutinut sinerissamut qanittumi aalisartunut pisassiissutigineqartunit pisiortornermikkut pisassiissutinit tamarmiusunit 10 %-ii qaangerlugit pigisaqalersinnaangillat. Siunnersuutigineqarpoq pisassiissutinit pigisanik pisiortornikkut pisassiissutit tamarmiusut 6 %-ii annerpaamik pigineqarsinnaassasut. Taamatut siunnersuuteqarnermi qulakkeerniarneqarpoq pisassiissutinit pigisat sapinngisamik siammasissumik pigineqarnissaat.

§ 22, imm. 1 nr. 2

Inatsisip oqaasertaasigut iluarsisaavoq taamaalilluni "kalaallinut inuiaqatigiinnut aalajangersimasumik attaveqarnissaq"-p qanoq nassuiarneqarnissaa pillugu § 3, imm. 4-mi qanoq paasineqarnissaat pillugit inatsimmi kapitali 2-mi qanoq paasineqarnissaannik naammaaserneqarluni.

Uunga inatsisip oqaasertaani iluarsisut "inuttaasut ilaat aalajangersimasut tassaassasut inuiaqatigiinnut kalaallinut aalajangersimasumik atassuteqartut (inuttaasut ilaat)" aalisariutinik Kalaallit Nunaanneersunik inuttalersuisarneq pillugu Namminersornerullutik Oqartussat nalunaarutaannik iluarsaaqqinnermut tunngaviusaaq.

§ 26, imm. 1

Nutaamik § 12, imm. 3-qalernerata sunniutigisaanik Naalakkersuisut inatsimmi aamma inatsit malillugu maleruagassani aalajangersakkat malinneqarnissaannik

nakkutilliineq pillugu maleruagassaliornermi tunngavigisaat annertusineqarput nunat tamalaat isumaqatigiissutaat malillugit nakkutilliinissamik pisussaaffiit sukkulluunniit atuuttut piviusunngortinneqarnissaannut inatsisitigut tunngavissalerlugit.

1997 tikillugu ilanngullugulu NAFO-mi naalagaaffinnut ilaasortaasunut aalisarsinnaatitaanerup malittarisassaqtitsinikkut aqunneqarnera tamatuminngalu aalisarnermik nakkutilliineq pillugu arlalinnik isumaqatigiissuteqartoqarpoq. Isumaqatigiissuteqartoqarpoq angallatit nunani soqutigisaqatigiiffimmut ilaasortaangitsuni nalunaarsorsimasut aqunneqanngitsumik annertunerujartuinnartumik aalisarnerisa kingunerisaanik. Aqutaanngitsumik aalisarneq imartani malittarisassaqtitsinikkut aqutsiviusuni aamma nalagaaffiit imaanut sineriallit aalisarnikkut oqartussaaffigisaanni attuumassuteqartuni isumalluutini atuivallaarnermik kinguneqarpoq.

Aalajangersakkatigut isumannaarneqassaaq angallatit nunai NAFO-mut ilaasortaangitsuni nalunaarsorsimasut nakkutigisaanngitsumik aalisarnerannut pineqaatissiisoqarsinnaanissaa.

§ 33, imm. 1 nr. 1

§ 9, imm. 2-mi nutaami inuussutissarsiutigalugu Kalaallit Nunaanneersut Kalaallit Nunaata aalisarnikkut oqartussaaffeqarfiata avataani aalisarnerannut toqqarlugit piomasaaqatit sunniutigisaannik tassa tamanna taamaallaat angallatinik piginnittuunermi pissutsit tunngavigalugit Kalaallit Nunaanni angerlarsimaffeqartunit angallateqarluni pisinnaasoq aammalu aallartinneqassanani Naalackersuisunit taamaaliornissamut akuersisummik peqqaartinnani, pineqaatissiisinnanermik aalajangersakkat § 9, imm. 2 ilagilerlugu annertusineqarput.